



Fernand ETGEN
President vun der
Chamber vun den Deputéierten
19, um Krautmaart
L-1728 Lëtzebuerg

Lëtzebuerg, den 06/07/2022

Här President,

Sou wéi den Artikel 80 vun eisem Chambersreglement et virgesäit, biede mir lech, dës parlamentaresch Fro un d'Ministere fir Aarbecht & Sozialversécherung weiderzeleeden.

Op Interimskontrakter gëtt weiderhin a villen Entreprises a Secteuren zeréckgegraff. 2020 hunn mir an der parlamentarescher Fro 4546 dorobber opmierksam gemaach, dass a konkrete Fäll Leit vun den Interimsfirme Wochekontrakter ugebuede kréien aplaz CDDe oder CDle, och wann ee Salarié fir déi nämmelecht Funktioun agestallt ginn ass.

Sécherheetsmoossnamen op den Aarbechtsplaze ginn oft net agehalen, wéi een a Gespréicher mat Interimairë matkritt. Esou kréien eng Rëtsch Interimaire vun hirer Interimsfirma keng Schutzkleedung a keen Aarbechtsgeschier zur Verfügung gestallt.

An enger Äntwert vum Aarbechtsminister op d'parlamentaresch Fro n°1903 ass en Tableau mat der Unzuel u Kontrolle vun Interimsfirme publizéiert ginn. Bei 53 autoriséierten Interimsfirme sinn 2019 nëmmen 11 Kontrollen duerchgeféiert ginn.

An deem Zesammenhang wéilte mir de Ministeren dës Froe stellen:

1. Wéi vill Interimskontrakter goufen, opgedeelt no Joer, an de Joren 2020 an 2021 ofgeschloss?
2. Wéi vill vun den Interimskontrakter hu jeeweils eng Dauer ëmfaasst vun:
 - manner wéi 1 Mount;
 - 1 bis 2 Méint;
 - 2-6 Méint;
 - 7-12 Méint;
 - méi wéi 12 Méint?
3. Op d'Fro Nummer 4546 huet de Minister am September 2021 geäntwert, dass de *Comité permanent du Travail et de l'Emploi (CPTÉ)* mat de Sozialpartner u legislativen Upassunge vun der Interim-Gesetzgebung diskutéiert huet. Huet sech zënter leschtem Joer eppes an dësem Dossier gemaach?



4. Kann de Minister erklären, wéi d'Sécherheetskonntrôle bei den Interimsfirme funktionéieren a wéi séchergestallt gëtt, dass all Interimaire déi néideg Sécherheetskleeung a Geschier kritt?
5. Wéi eng Méiglechkeeten hunn Interimairë fir hier Rechter anzefuerderen, ouni de Risiko anzegoen, dass de Patron hiren Interimskontrakt einfach auslafe léisst?
6. Ënn 2019 huet den Aarbechtsministère eng Circulaire verschéckt un all d'Interimsfirmen.
Kann de Minister präziséieren, wéi d'Unzuel u Kontrollen sech zënterhier, opgeléicht pro Joer, entwéckelt huet?

Mat déiwem Respekt,



CLEMENT Sven

Député



GOERGEN Marc

Député

